

Remitido

Tur honor y gloria pa Etty Toppenberg



E siman aki mi tabata check e bunita Calender cu New India Assurance ta emiti tur aña, y un smile grandi a aparece riba mi caya, ora mi a mira cu e personahe cu nan ta dedica luna di Augustus 2018 na dje, ta nos one-and-only Etty Toppenberg.

Sin duda alguno, un di nos artistanan di nivel halto, yen inspiracion, habilidad, voz perfecto, y dominio musical! Mi admiracion na Etty Toppenberg ta grandi. Mi stime un mundo, y pesey ami lo keda pa semper su fanatico.

Etty ta un di nos yiunan di tera cu a sobresali y haci musica grandi. E ta mes grandi cu e demas musiconan di Aruba cu tambe ta ocupa puestonan halto di admiracion y produccion. Artistanan manera Claudius Philips, Robert Jeand'or, Tattoo, Blacky, Jeon, y mas, ta bon ancla caba den curazon di Arubianonan.

Pero ami ta pone Etty

Toppenberg riba un pedestal cu tur honor y gloria, pa e sigui ricibi admiracion di nos tur, y bendicion di Tata Todopoderoso. Nos como yiunan di tera por sigui sostene nos artistanan aun mas! Ban stop cu envidia, stop di maldiciona otronan, y sigui goza di e produccion, talento, y indiscutible bunita presentacion di nos artistanan.

Etty mes tin hopi energia keto bay, y su decenas di fanaticonan tur Diabierna atardi y anochi na Djiespie's Place, ta demostra esey.

Mi ruman Etty, mi ta felicitarbo cu bo ta bay ta dorna mi calender durante henter luna di Augustus! Mi a gusta esey asina hopi, te cu mi a dicidi na skirbi algo. Mi ta deseabo tur bendicion di Dios, y un abrazo fuerte. Di parti di mi, Raul 'Mr. VIP' Bryson, mi esposa, y mi yiunan. One love.

Raul Bryson.